

Joel

Minga'ni Joel can'jen atesu'fambi. Majandeccu su'fa Persia mandaite tiseja judándeccumá candusian tise'pa egae tsincon'choma catiye. Tise candusian'cho tsu Na'su Chiga jai'ngae poi ande'su aindecu injama'choma somboeña'cho a'tane conda.

1 ¹Qquen condaye tsu Na'su Chigaja Petuel dutssi'ye Joelnga in'jaen:

Na'su a'ima ttu'se'cho

2 ¹²Na'suta tsu tansintsse conda:
“Ja'ño tisu injama'choma ñoñamba
toequi ñani ji'faja.

¡Ambe'yi ina'jemba ñombi'yepa fundo'faja!”

¹³Tsa'cansi tsu toequi

Na'su que'i Chiganga shanda'faya'cho.

¡Tisu sarupama chittambe'yi

que'i injama'choma chittaquia'caen cambiaña'cho!

Nane Na'suja junde iyicca'yembipa

que'ima ñoa'me in'jamba mende'yepa

que'inga egae tsoñe in'jambi.

Tsonsi Na'suja su:

²³¡Avujatssi'faja, Zión canque'su aindecu!

¡Na'su que'i Chigave in'jamba avujatssi'faja!

Na'suja unjima tise tuite tuiñaquia'caen

ñotssiave atesian'suma moeña.

Nane tayoe'caen tsu sanfan'su unjin toya'caen

coejefa'su unjima'qqe tise tuiyaqui tuiña.

²⁴Tsa'cansi trigoma ñotsse taisi

coira'je'cho cuarto on'bapa sheque'jeya.

Vino tanque toya'caen olivo yayapa tanque'qqe on'bapa feti'jeya.

²⁵Tayoeta gi sundaroma moenquia'caen

ttombuma moe cuintsu que'i taiya'choma cca'na'faye.

Tsane afepoenquia'caen gi ja'ñojan

ti'tsse que'inga afeya.

- 27 Tsequi a'ta qui ñajan Na'su, que'i Chiga,
 Israelni can'jen'cho qquen in'jan'faya.
 Nane faesuve me'i'on tsu.
 Minguite'qqe ña aindeccuja ccase ansange'faya'bi.

Chiga Qquendya'pa jiya'cho

- 28 Tsa'caen da'fasi gi poi aindeccunga
 ña Qquendya'pama moeña.
 Que'i dutssiyendeccu, que'i onquengendeccu'qqe
 tsu ñane afa'faya.
 Que'i chu'a tsandendeccuja
 sefani'su attian'choma tsu atte'faya.
 Que'i coenzandeccuja ayó'pae tsu ayo'o'faya.
- 29 Tsequi a'ta gi ña Qquendya'pama moeña
 ñama shondosundeccunga–tsandienga,
 pushesunga–cuintsu tsendeccuja ñane afa'faye.
- 30 Toya'caen gi sefacconima canjaeña
 osha'cho camboenitssia'ma.
 Nane andeni'qqe gi anjampa, si'nge,
 onfen'ba, osha'choma canjaeña:
- 31 Toya'caen Na'su jiya'cho a'ta ca'tsa
 nepiji'nijan coejechiga tsu sintti'e daya.
 Cose'suchiga'qqe tsu anjampaveyi daya.
- 32 Tsa'ma poiyi'cco majan Na'suma iñajan'chota
 ccushapa pa'fayambi.
 Nane Jerusaléni, Zión ccotta'cconi
 tsu ccushaeña'choja jinchoya.
 Na'su tayo tansintsse suquia'caen tsu
 tise in'jan'chondeccuja pambe canse'faya.”